

Յօհաննիսի պատրիարքին. յայտնելով բարձր գերազանցութեանդ, զանտանելի նեղութիւն անձին իմոյ և զցաւ սրտիս, ամենախոնարհաբար խնդրեմ ցուցանել ինձ ծերոյնոյս զամենուրեք սփլուեալ ողորմութիւն ձեր, և հրաման տալ ինձ դալ ի Թիֆլիզ առ ի հոգալ զպաղատութիւնս և բժշկել ի տկարութենէ ոտիցս, որք յոյժ նեղեն զիս, վասն զի եւ ես համաձայն հրամանի պատրիարքին ոչ կամիմ գնալ ի սուրբ Եջմիածին, այլ կամիմ ըստ ողորմութեանն Ձերդ բարձր գերազանցութեանն բնակիլ այլ տեղ ուր կարող իցեմ, հանգստութեամբ անցուցանել զաւուրս կենաց իմոց. քանզի չիք իմ կարողութիւն ըստ հրամանի սրբազան պատրիարքին կատարել զաջորդութիւնն Շիրվանու, նախ վասն տկարութեան մարմնոյս և երկրորդ վասն չունելոյ ժողովրդեանն երկրիս զշերմեռանդութիւն առ հոգեւորականս, որոյ ապացուցութիւն է այն, զի ի լրանալ հինգ ամաց չորս յաջորդ են փոխել, և թէ լաւ տեղ է ինչո՞ւ չեն մնացել նոքայ, իսկ թէ վատ տեղ է, ես ինչպէս կարեմ տկար գոլով և ծեր կատարել զայն գործ. կարէք վերահասու լինել բարձր գերազանցութիւն Ձեր, եթէ արդեօք ես անցաւոր ոք էի, իսկ ընդէր կարացայ ծառայել սուրբ Եջմիածնա, 55 ամ առանց իվիք յանցանաց, որոց 25 ամ եպիսկոպոսութեամբ եմ ծառայել, և թէ որպէս հարազատութեամբ յայտնի է Սրբազնասուրբ պատրիարքին Եփրեմայ. տեսանելով զծառայութիւն իմ զիս Թիֆլիզու հայոց յառաջնորդարանին օգնական կարգեց, և յայնմ ժամանակին որ ի 1827 թվ. խաչակիր զօրքն գնաց վասն պատերազմելոյ ընդ պարսից. նմանապէս ի ժամանակի խալորայ ցալին թէ քնչ ծառայութիւն եմ արել տէրութեան. յայտնի է Թիֆլիզեցոց, որոյ մասին հին կուսակալն կողմանցս կնեազն Վարշաղու և կոմսն Երեւանու Պասկելիչն յայտնեաց ինձ շնորհակալութիւն իւր. իսկ փոխանակ ըստանալոյ պարգեւ ինչ, արժանացայ ատմեայն վիճակիս, առանց յանցանաց որ միայն ամենողորմած տէրութիւնդ իմ կարէ ազատել զիս ի չարչարանացս:

Եւ և մնամ սպասող ողորմութեան Ձերին բարձր գերազանցութեան

Եպիսկոպոս հայոց
ՍԻՄԵՐՆ ԲԶՆՈՒՆԵԱՆՅ

№ 2

ի 1835 թվ. մարտի 30

Ի վանս Սաղիանու

Այս օրինակ երկրորդեցի և ուղարկեցի. յունսի 24ին. № 3: